

BUSTURIALDEKO GIZARTEAN PERTSONA MIGRANTEEN PARTAIDETZA BULTZATEKO – LURRE HURRE ALKARTEAGAZ LANKIDETZA HITZARMENA

2021eko abuztuaren 6an,

KARMELE MUÑOZA ARRIGAIN andrearen aurrean, Bermeoko Udaleko idazkari akzidental legez,

BATU DIRA

ALDE BATETIK: ARITZ ABAROA CANTUARIENSE Jn. (NAN: 72.317.304-Z) Bermeoko Udaleko alkate-udalburua.

BESTE ALDETIK: JOSU OJINAGA ANASAGASTI Jn. (NAN: 30.559.925-D), Busturialdeko gizartean pertsona migranteen partaidetza bultzateko – Lurre hurre alkarteko presidentea.

PARTE HARTZAILEAK

ARITZ ABAROA CANTUARIENSE jn., Bermeoko Udalaren ordeztu eta izenean, 2021eko uztailaren 28ko 2.839 Alkatetza Dekretuz erabagitarako jarraiki, eta Tokiko Araubidearen Oinarriak arautzen dauzan Legeko 21.1.b) eta r) artikuluek emondako ahalmenaren arabera, eta

beste aldetik,

JOSU OJINAGA ANASAGASTI jn., Busturialdeko gizartean pertsona migranteen partaidetza bultzateko – lurre hurre alkarteko (hemendik aurrera Lurre hurre alkartea) presidente legez, horreek karguek emoten deusiezan ahalmenen arabera (l. eranskinean, Estatutuak jasotzen dira).

ADIERAZTEN DABE

Bermeoko Udalaren ahalmenen artean dagoela Immigrazio alorrean gizarteratze-politikak kudeatzea, atzeritartasunaren inguruko legeriarekin bat etorrira eta erakunde autonomikoekin lankidetzan, Euskadiko Toki Erakundeei buruzko 2/2016 Legearen



17.1.35) artikulua gaz bat eta, baita be, Tokiko ekonomia- eta gizarte-garapena, eta tokiko enplegu-planak edo -politikak bideratzea eta Gazteria-politikak planifikatzea, antolatzea eta kudeatzea, lege bereko 17.1. artikulua (25) eta 36) atalen arabera,

Eta Udalaren asmoa dala, gitxienezko derrigorrezko ahalmenetatik haratago joanda, hiru arlo horreez erlazionatutako ekimenak bultzatzea eta boluntariotza sustatzea, Bermeoko Udalerriaren eta bere biztanleen onuran.

Hori horrela, Lurre hurre alkarteagaz alkarlanean, lur publikoen lanketaren bidez migranteen gizarteratzea lortzeko eta enplegagarritasun errazteko proiektu bat garatu gura da, Bermeoko Udalak Almika auzoan daukazan lurretan.

Bestalde, Lurre hurre alkarte, irabaz asmo bako alkarte da eta, bere helburuen artean, honek daukaz: Busturialdeko gizartean pertsona migranteen partaidetza integrala bultzatzea, pertsona migranteen beharrianak asetzeko tresnak garatzea, pertsona migranteen ahalduntzean lan egitea, landa garapena Busturialdeko gizartearen eta pertsona migranteen arteko lotura puntu bihurtzea, eta lehen sektorearen sustapena eta gertuko nekazaritza bultzatzea.

Ondorioz, Bermeoko Udalak Almika auzoan daukaz erabilera bako lur batzuen lanketaren bidez, eta 2021. Urteko Aurrekontu Orokorrean aurreikusitako dirulaguntza izendunari esker, urtebeteko iraupena izango dauen formakuntza, gizarteratze eta laneratze proiektua garatzeko alderdi bien lankidetzea arautzea da hitzarmen honen helburua.

ERABAKITZEN DABE

LEHENENGOA: Hitzarmenaren xedea.

Bermeoko Udalak Almika auzoan daukazan erabilera bako lur batzuen landaketaren bidez, eta 2021. Urteko Aurrekontu Orokorrean aurreikusitako dirulaguntza izendunari esker, formakuntza, gizarteratze eta laneratze proiektua garatzea.

Horretarako Lurre hurre alkarteak urtebeteko iraupena izango duen formakuntza emongo deute pertsona migranteeri.



Urte horretan zehar, nekazal lanbidea ikasteaz gain, euskal gizartean ezinbestekoak jakezan gaiari inguruko formakuntza jasoko dabe, hala nola, herritarron eskubide-betebeharrak, gizarte antolaketa eta alkarrekintza sozialak edo indarrean dagoan legedia.

Bestetik, pertsona migratu honeek gure gizarte sarearen partaide integral izatea bultzatuko da, landa garapena eta baserri auzoak izanik lan-esparru nagusia.

Eta modu berean eta ezinbestean, bizikidetzaz erraztuko da, kulturartekotasuna eta herritartasun inklusiboa sustatuko da, elkarrekintza, gizarte-kohesinoa eta alkertasuna bultzatuko dira, beti be aniztasunarekiko errespetutik.

Proiektu honegaz, zeharka, arrazakeria eta xenofobia, bazterkeria, migranteekiko aurreiritziak eta zurrumurruak gitxitzea espero da.

BIGARRENA: Formakuntza Programa.

Garatuko dan formakuntza programa zehatza, II. eranskinean jasotakoak izango da.

Programa aldatu ezker, eranskina aldatu beharko da, jagokon prozedurea jarraituta egingo dana.

HIRUGARRENA: Lurre hurre alkarrean bete beharreko baldintzak:

- a) II. eranskinean zehaztutako programa garatzea zehatz.
- b) Jarduera hori irabazteko asmo barik garatzea, hau da, onuradunen ezelako kontraprestazio barik egitea.
- c) Hitzarmena sinatzen dan egunean tokiko zerga zorrak ordainduta daukiezala kreditatu beharko dabe. Bermeoko Udalak ziurtatuko dau puntu hau.
- d) Egunean egotea betebeharr fiskaletan eta Gizarte Segurantzaz.
- e) Jardueran ezingo da ezelako sexuaren ziozko bereizkeria eragin. Zentzu berean, Emakumeen eta Gizonen Berdintasunerako otsailaren 18ko 4/2005 Legearen arabera sexu-diskriminazioan erori izanagatik zigor- edo administrazio-arloko zigorra jaso ez izanaren aitortpena aurkeztu beharko da.
- f) Lurren landaketa proiektu honegaz zuzenean lotuta egingo da, eta ezingo da lur horreen bestelako erabilerririk egin, ezta beste inori erabiltzen itzi.
- g) Udalak egoki eristen dauzan ikuskapenak egin ahal izateko eragozpen edo trabarik ez ipintea.

- h) Udaletik jasoko dauen dirulaguntza behar dan moduan zuritzea.
- i) Garatuko dan proiektutik sortu leikezan erantzukizunak erantzuteko eta edukiera babesteko aseguru egokia(k) eukitzea. Poliz(ar)en kopia, hitzarmena sinatu eta gehienezko 10 laneguneko epean aurkeztu beharko da.
- j) Berehala jakinarazo behar dauz ondasunetan sortutako kalte, arazo edo irregulartasunak, baita beraren erru edo borondatearen kanpokoak badira be.
- k) Alkarteari egotzi leikiozan kalteak badagoz, alkarreak berak konpondu beharko dauz edo udalak konponduko dauz, ordezeko exekuzino bidez, alkarrearen pentzura, emondako epean egingo ez baleu.
- l) Hitzarmenaren epea amaitu eta segiduan, proiektua garatzeko erabiliko diran ondasunak administrazioaren esku, libre eta hutsik itzi.
- m) Lurre hurre alkarrearen ekintzen publizidadean, Bermeoko Udalaren logoagaz agertzea.

LAUGARRENA: Bermeoko Udalak bete beharreko baldintzak

- a) Bermeoko Udalak, Administrazio Publikoen Ondarea arautzen dauan 33/2003 Legearen 93 eta 137.4.c) artikulugaz bat, jarraian zehaztutako lur eremuaren erabilera baimenduko dau, horretarako esleituko dan zuzenezko emakidaren bidez:

Kokapena: ALMIKE AUZOA, 13

Katastro erreferentzia: CLAVE CAT: B405515L.

Partzela: 219 Poligonoa: 8

Azalera: 1.522 M2

- b) Aitatutako lurak, baimendutako erabilera eta jardueretarako askatasun osoz eta kanpoko ezelako oztopo barik erabili ahal izatea erraztuko dau lankidetzaz hitzarmen honek irauten dauen bitartean.
- c) Proiektua modu egokian burutzen dala eta hitzarmen honetan jasotako betebeharrak betetzen dirala bermatzeko, Bermeoko Udalak behar besteko ikuskapenak egin ahal izango dauz eta, beharrezkoa dan kasuetan, agindu zehatzak emon ahal izango dauz, hitzarmenaren baldintzak bete daizan. Agindu horreek beteko ez balira, hitzarmena bertan behera izteko erabagia hartuko dau udalak, alkarteari entzunaldia emon eta gero.

BOSGARRENA: Udalak emongo dauen dirulaguntzaren zenbatekoa.



Aurreko atalean zehaztutakoez gain, Bermeoko Udalak sei mila euro (6.000 €) ordainduko deutsoz Lurre hurre alkarteari. Diru kopuru hau zatika ordainduko da, 2021. urte barruan, aurrekontuaren 008.00.2321.0.480.01.07 partidaren pentzura, hain zuzen. Ordaintzeko modua honakoa izango da: hitzartutako kopuru osoaren % 80, hau da, 4.800 € hitzarmena sinatu eta gero, eta gainontzekoa, 1.200 €, dirulaguntza justifikatzen danean.

Ordainketa aurreratua egitearen arrazoia, II. eranskinean zehaztutako jarduerak garatu ahal izateko eta gitxieneko diru-kopuruari aurre egiteko Lurre hurre alkartearen likidezia faltan oinarritzen da.

Dirulaguntzaren aurrerapena bermatzeko ez da beharrezkoa izango bermea ipintea irabazi-asmorik gabeko erakunde gizarte ekintzarako jarduera burutzen duena izateagatik (42.2.d) artikulua Dirulaguntzen Erregelamenduarena. Gainera, aurreko urtean, II. eranskineko programa garatu izan dauzala kontutan eukita, ez dalako aurreikusten jasotako laguntza bere helburura ez bideratzea edota bestelako ezertan xahutzea.

SEIGARRENA: Dirulaguntzaren ezaugarriak.

Dirulaguntzak borondatezkoak eta aldi baterakoak izango dira. Baten emoteak ez deutso derrigortasunik eragingo Bermeoko udalari, eta ez dau beste urte batzuetarako eskubiderik emoten ez aurrekaririk ezarten.

Dirulaguntza ezin izango da gehitu ez berrikusi (ezin da erreklamaziorik egin).

ZAZPIGARRENA: Diruz lagundu daitezkeen gastuak.

Diruz laguntzeko gastuak izango dira zalantzarik gabe beharrezkoak direnak hitzarmen honetan araututako programa betetzeko.

ZORTZIGARRENA: Udalaren betekizunak, diru publikoaren erabilerari jagokonez.

Bermeoko Udalaren, bere aldetik, eta Diru-laguntzak arautzen dauzan 38/2003 Legearen aginduari jarraituta, honako eginkizunak beteko dauz:



- a) Emondako diru-laguntzearen kontrol egokiak egin, diru-laguntza oinarritzen daben helburua eta egintzak benetan burutu dirala ikusi ahal izateko.
- b) Lege berari jarraituta, diru-laguntzearen oinarriak bete ez dirala ikusten bada edota ez dirala era egokian justifikatu ikusi ezker, desbideratutako diru publikoa berreskuratzeko, egokiak diran prozedura eta espedienteak izapidetuko dauz, hamargarren atalean adierazotakoagaz bat.

BEDERATZIGARRENA: Bestelako sarrera edo dirulaguntzen bateragarritasuna.

Jasotako dirulaguntza lortu daitekezan bestelako sarrera publiko zein pribatuekaz bateragarriak izango dira, beti be gain-finantzaketarik ez dagoen bitartean.



Horrela izanda Lurre hurre alkartea behartuta egongo da bere finantzaketarako lortzen dauzan bestelako sarrera eta dirulaguntzen barri emotera eta, danatara %100etik gorako finantzaketarik lortzen badau, Bermeoko Udalari horren barri emoten, gain-finantzatutako kopuruak berreskuratzeko prozedurari hasiera emon daiezan.

Horrela egingo ez balitz, zigorra ipintzeko arrazoia izango litzake, itzuli beharreko kopuruari lege interesak aplikatzearen kalte barik.

HAMARGARRENA: Jasotako diruaren justifikazinoa.

Dirulaguntzearen bigarren zatia kobratu ahal izateko, dirulaguntza justifikatu beharko da. Horretarako, agiri honeek aurkeztu beharko dira:

1. Erakunde onuradunaren legezko ordezkariak sinatuta txostena non agertzen dan baldintzak betetzea justifikatzen dauen ekintza txostena. Bertan adierazi behar dau, egindako jarduerak eta jasotako emaitzak ezarritako adierazleen arabera:
 - Plazaren kostua: guztira emondako dirua/ parte-hartzaileen kopurua.
 - Urtean zehar egindako jarduera kopurua.
 - Urtean egondako parte-hartzaile kopurua/aurreko urtean egondako parte-hartzaile kopurua.
2. Jardueren sarrera eta gastuen balantzea aurkeztu beharko da, eta bertan agertu beharko da ze neurri ekonomikogaz lagundu diran ekintzak aurrera eroateko (kuotak, bestelako dirulaguntzak, etab.) eta gastuen jatorria (materialea, garraio gastuak, ...). Puntu honegaz batera faktura originalak edo



- Euskerearen kalidadea bermatu beharko da aitaturako ahozko eta idatzizko ekintza guztietan, eta udaleko Euskera Sailaren laguntzea izango dau Lurre hurre alkarteak hizkuntza aholkularitzea eta laguntzea behar dauenean.

HAMABIGARRENA: Debekatutako jarduera sexistak.

- Debeku da pertsonen sexuan oinarritzen den bereizkeria oro, zuzeneko zein zeharkakoa, edozein delarik ere hartarako erabilitako era.

- Ezin izango da adierazi, pertsonak, sexu batekoak edo bestekoak izateagatik, giza duintasun gutxiago edo gehiago dutela, ez eta objektu sexual soilak direla ere. Orobat, ezingo zaie zabalkundea eman emakumeen aurkako indarkeria justifikatu, horri garrantzia kendu edo horretara bultzatzen duten edukiei.

HAMAHIRUGARRENA: Hitzarmenaren jarraipena.

Hitzarmen honetan araututako lankidetzak ebaluatu eta hitzarmenaren jarraipena egiteko erakunde bakotzeko ordezkari bat izendatuko da eta honek izango dira: Idoia Platas Arenaza andrea Bermeoko Udaletik eta Josu Ojinaga Anasagasti jauna Lurre hurre alkartetik

Hartu beharrekoak erabagiak edota egin beharreko interpretazioak adostasunez egingo dira eta, adostasunik lortu ezingo balitz, hitzarmena bertan behera izteko arrazoia izango da.

HAMALAU GARRENA: Arau-hauste legez hartuko dira jokabide honeek:

- 1.- Hitzarmen honetan jasotako betebeharrak ez betetzea.
- 2.- Jasotako dirulaguntza ez justifikatzea horretarako emondako epean.
- 3.- Eskuratutako bestelako sarreraren barri ez emotea, bordin publikoak zein pribatuak izan.
- 4.- Gain-finantzaketarik balego, horren barri ez emotea edota itzuli beharreko kopuruak ez itzultzea.



fotokopia konpultsatuak aurkeztu behar dira. (Udaleko Berhaz bulegoan konpultsak egiten dira).

3. Gastuen ganeko faktura originalak edo fotokopia konpultsatuak aurkeztu behar dira, eta baita be faktura horreek ordaindu izanaren egiaztariak (Udaleko Berhaz egiten dira konpultsak). Egiaztapena egin eta gero, originalak itzuli egingo dira. Ez da onartuko beste gastu batzuen justifikaziorik, horreek ez badabe balio dirulaguntzearen helburuak lortzeko.

Fakturak, fakturazinoako betebeharrak arautzen dauan azaroaren 30eko 1619/2012 Errege Dekretuak xedatutako bete beharko dabe.

Emondako diru guztia gastatu ez bada, justifikazinoa eginda, itzuli egin beharko da, baita neurgarriak ez betetzeagatik zehazten diranak ere, Dirulaguntzen Lege Orokorren 36.artikuluaren eta hurrengoetan xedatutakoaren arabera.

Erakunde onuradunak jaso dauen laguntza osorik edo zati batean itzuli ahalko dau, borondatez, horixe egiteko eskatu aurretik. Eskaera ebatzi egingo da eta, gero, erakundeari jakinarazoko jako, ordainketa egiteko epea eta modua adieraziz. Hori guztia, uztailaren 21eko 887/2006 Errege Dekretuaren 90.artikulua betez.


Dokumentazioaren aurkezpena egiterakoan ez bada aurreko puntuetan eskatutakoa zehatz beteten, interesdunak 10 eguneko epea izango dau akatsak zuzentzeko. Denpora tarte horretan ez badira zuzentzen, eskariari uko egiten jakola ulertuko da.

Agiri honeek ez aurkeztea dirulaguntzea ukatzeko eta ordaindutako lehenengo zatia itzultzeko zioa izango da.

Lehenengo zatia itzuli behar izatekotan, lege interesak gehituta itzuli beharko da.

HAMAIKAGARRENA: Euskerearen erabilerea.

- Herriaren hizkuntza ezaugarriak kontutan eukita, Publizitatea eta komunikazino ekintzak euskeraz egingo dira bai ahoz, zein idatziz: argitaratzen diran programa, iragarki, ohar, kartel eta gainontzekoak euskeraz egingo dira. Euskerea ez dan beste hizkuntzaren bat erabiltekotan publizidade eta komunikazino ekintzetan, lehenetasun osoa eukiko dau euskereak (3-1).



Arau hauste honeek, onartutako dirulaguntza murriztea ekarri ahal izango dau zigor moduan, egindako ez betetzeen garrantziaren arabera kalkulatuko dana, ez bada ez betetzeen larritasunagaitik dirulaguntza osorik itzultzea erabagitzen dala.

Dirulaguntza osorik itzultzeko zigorrak, hurrengo urteetan dirulaguntza barriak eskuratzeko ezintasuna suposatuko dau.

Zigor horreek ipinteko, 38/2003 legeak aurreikusitako prozedura jarraituko da eta, erabagia hartu orduko, interesdunari entzunaldia emoten jakola bermatuko da.

HAMABOSGARRENA: Hitzarmena ez betetzearen bestelako ondorioak.

Hitzarmen honetan jasotakoa nabarmen beteko ez balitz, eta hitzarmenaren exekuzino egokia kolokan ipiniko baleu, hitzarmena bertan behera izteko arrazoia izango da, aurreko atalean zehaztutako zigorrak ipinteko udalaren ahalmenaren kalte barik.

Edozein kasutan, ahal dan heinean hitzarmenaren exekuzinoagaz jarraitzeko ahalegina egingo da.

HAMASEIGARRENA: Hitzarmenaren iraunaldia.

Hitzarmenaren iraunaldia sinatzen denetik urtebetekoa izango da.


HAMAZAZPIGARRENA: Hitzarmenaren izaera administratiboa.

Hitzarmen honen izaera administratiboa da. Ondorioz, honen aplikazino edo interpretazinoan hartzen diran erabagiak bide administratiboari amaiera emongo deutsee eta zuzenean aplikagarriak izango dira, Administrazioarekiko Auzibidean errekurritzeko eskubidearen kalte barik.

HAMAZORTZITZIGARRENA: Legedi aplikagarria.

Hitzarmen honeri honako legedia aplikatuko jako:

1. Herri Administrazioen Prozedura Administratibo Orokorren 39/2015 Legea
2. Sektore Publikoaren Erregimen Juridikoaren 40/2015 Legea
3. Administrazio Publikoen Ondarea arautzen dauan 33/2003 Legea.



4. Toki Entitateen Ondasunen Erregelamendua onartzen dauan 1372/1986 EDa.
5. Dirulaguntzak arautzen dauzan 38/2003 Legea.
6. Dirulaguntzen Legearen Erregelamendua onartzen dauan 887/2006 Errege Dekretua.
7. Zuzenbide administratiboko arau orokorrak.
8. Zuzenbide pribatuko arau orokorrak.

Hori horrela, hitzarmenean aurreikusten ez dan guztirako; edozein zalantza argitu eta hitzarmena interpretatzeko, aitatutako legediak aurreikusitakoa jarraituko da zehatz.

HEMERETZIGARRENA: Hitzarmenaren argitaratzea.

Hitzarmen hau eta onarpeneko erabakia Dirulaguntzen base nazionalen argitaratuko dira, sektore publikoa arrazionalizatzeari eta administrazioa erreformatzeko beste neurri batzuei buruzko irailaren 16ko 15/2014 Legeak aldatutako Dirulaguntzen Lege Orokorren 20.artikulua betez.

Eta honela ager daiten honako hau emoten dabenean, agiri hau onartzen dabe, lau ale sinatuz, eragin bakarrerako.

**BERMEOKO UDALEKO
ALKATEA**

Aritz Abaroa Cantuariense



**LURRE HURRE ALKARTEKO
LEHENDAKARIA**

Josu Ojinaga Anasagasti



Karmele Muñoa Arrigain
IDAZKARI AKZIDENTALA

